



www.qbz.gov.al

Buletini i Njoftimeve Zyrtare I REPUBLIKËS SË SHQIPËRISË

Botim i Qendrës së Botimeve Zyrtare

Viti: 2026 – Numri: 16

Tiranë – E hënë, 29 qershor 2026

PËRMBAJTJA

	Faqe
Kërkesë e Dhomës Kombëtare të Përmbauesve Gjyqësorë Privatë nr. 1435, datë 16.6.2026	Thirrje për shprehje interesi për hyrjen në provimin e pranimi në trajnimin fillestar..... 3
Njoftim i Korporatës së Investimeve Shqiptare nr. 264/8, datë 24.6.2026	Për një ndryshim në njoftimin e procedurës konkurruese për kontratën “Zhvillimi nëpërmjet sipërmarrjes i stadiumit ‘Niko Dovana’, Durrës”..... 4

**KËRKESË****Nr. 1435, datë 16.6.2026****THIRRJE PËR SHPREHJE INTERESI
PËR HYRJEN NË PROVIMIN
E PRANIMIT NË TRAJNIMIN
FILLESTAR**

Në përputhje me ligjin nr. 26/2019, “Për shërbimin përmbartimor gjyqësor privat”, dhe pas administrimit të urdhrit nr. 304, datë 9.6.2026, të ministrit të Drejtësisë, “Për përcaktimin e numrit të vendeve si kandidat përmbartues për vitin 2026”, Dhoma Kombëtare e Përmbartuesve Gjyqësorë Privatë publikon thirrjen për shprehje interesi për hyrjen në provimin e pranimit në trajnimin fillestar.

Numri i vendeve për kandidat përmbartues që do të pranohen në Programin e Trajnimit Fillestar pranë Qendrës Kombëtare të Trajnimit të Përmbartuesve për vitin 2026 është 30 kandidatë.

Kanë të drejtë të marrin pjesë në provimin e pranimit në trajnimin fillestar kandidatët që plotësojnë **kushtet**, si më poshtë, referuar nenit 18, pika 3, të ligjit nr. 26/2019, “Për shërbimin përmbartimor gjyqësor privat”:

1. Të jetë shtetas shqiptar;
2. Të ketë zotësi të plotë juridike për të vepruar;
3. Të ketë përfunduar programin e ciklit të dytë të studimeve universitare për drejtësi brenda vendit, ose diplomë të njësuar me të, apo të ketë përfunduar studimet universitare për drejtësi jashtë vendit, të njohur dhe të njësuar, sipas legjislacionit në fuqi për arsimin e lartë në Republikën e Shqipërisë;
4. Të mos jetë dënuar me vendim gjyqësor të formës së prerë:
 - i. për një vepër penale të kryer me dashje, për të cilën nuk është rehabilituar;
 - ii. për një vepër penale të kryer me pakujdesi, për të cilën nuk është rehabilituar dhe që cenon figurën dhe integritetin e profesionit të përmbartuesit gjyqësor privat;
 - iii. për një vepër penale të kryer me dashje, për të cilën është rehabilituar, kur vepra penale cenon figurën dhe integritetin e profesionit të përmbartuesit gjyqësor privat;
5. Të mos jetë shkarkuar nga ushtrimi i detyrës ose i funksionit publik, me vendim të organit kompetent, që ka marrë formë të prerë.

Kandidati që kalon me sukses provimin e pranimit, duke u shpallur fitues për të ndjekur programin e trajnimit fillestar, pranohet për të ndjekur programin e detyrueshëm 1-vjeçar për trajnimin fillestar pranë Qendrës së Trajnimit, përkundrejt pagimit të tarifës së pranimit 300 000 lekë.

Shprehja e interesit duhet të depozitohet brenda datës **16.7.2026** në rrugë postare, në adresën e selisë së Dhomës Kombëtare: rruga “Nikolla Jorga”, ndërtesa 9, kati II, Tiranë, shoqëruar me dokumentacionin si vijon:

1. Kërkesë për shprehje interesi, me arsyet përkatëse që mbështesin pjesëmarrjen në këtë provim;

2. Jetëshkrim;

3. Kopje e kartës së identitetit;

4. Kopje e njësuar e diplomës, që vërteton përfundimin e programit të ciklit të dytë të studimeve universitare për drejtësi brenda vendit, ose të diplomës së njësuar me të, apo të diplomës që vërteton përfundimin e studimeve universitare për drejtësi jashtë vendit, të njohur dhe të njësuar, sipas legjislacionit në fuqi për arsimin e lartë në Republikën e Shqipërisë;

5. Certifikatë e gjendjes gjyqësore e muajit në të cilin bëhet aplikimi;

6. Kopje e njësuar e librezës së punës dhe e vërtetimeve të Institutit të Sigurimeve Shoqërore, që vërtetojnë vjetërsinë në punë;

7. Vërtetim nga punëdhënësit që nuk janë shkarkuar nga ushtrimi i detyrës ose i funksionit publik, me vendim të organit kompetent që ka marrë formë të prerë.

8. Mandatpagesën për aplikimin dhe dorëzimin e dokumentacionit, 10 000 lekë të tarifës së aplikimit, që do të paguhet në llogarinë bankare:

Emri i institucionit: Qendra Kombëtare e Trajnimit të Përmbartuesve

Emri i bankës: Intesa SanPaolo Bank Albania

Nr. i llogarisë: 1060 5318 02

IBAN: AL 8020 8110 0800 0000 1060 5318 02

Përshkrimi: Pagesë për aplikim dhe dorëzim dokumentacioni të (Emër Mbiemër).

Kandidatët që përmbushin kushtet për t'u pranuar në provim do të njoftohen përmes publikimit të listës emërore në faqen zyrtare të Dhomës Kombëtare të Përmbartuesve Gjyqësorë



Privatë dhe të Ministrisë së Drejtësisë, brenda 10 ditëve nga mbyllja e afatit të aplikimit.

Provimi i pranimit në formimin fillestar do të zhvillohet më datë **16.9.2026**, ora **10:00**, pranë selisë së Dhomës Kombëtare të Përmbauesve Gjyqësorë Privatë, ose në një ambient tjetër të caktuar dhe të njoftuar prej saj, në varësi të numrit të kandidatëve aplikantë që do të marrin pjesë në provim. Listat emërore të kandidatëve do të afishohen ditën e provimit pranë ambienteve të zhvillimit të provimit.

Rregullat e detajuara për zhvillimin e provimit të pranimit, për kontrollin e njohurive dhe fushat e testimit, janë sipas përcaktimeve të urdhrit nr. 364, datë 31.5.2021, të ministrit të Drejtësisë “Për miratimin e programit të detyrueshëm për trajnimin fillestar”, publikuar edhe në Fletoren Zyrtare.

Kjo thirrje shpallet në Buletin e Njoftimeve Zyrtare, në faqen zyrtare të Dhomës Kombëtare të Përmbauesve Gjyqësorë Privatë dhe të Ministrisë së Drejtësisë, sipas përcaktimeve ligjore.

Për informacione të mëtejshme kontaktoni:

Email: dhomakombetarepermbarimit@gmail.com

Tel.: 0676089890/0686054005

NJOFTIM

Nr. 264/8, datë 24.6.2026

PËR NJË NDRYSHIM NË NJOFTIMIN E PROCEDURËS KONKURRUESE PËR KONTRATËN “ZHVILLIMI NËPËRMJET SIPËRMARRJES I STADIUMIT ‘NIKO DOVANA’, DURRËS”

Zhvilluesi i Projektit të Investimit:	Korporata e Investimeve Shqiptare
Emri i Projektit të Investimit:	Rijetëzimi i stadiumit “Niko Dovana” Durrës, ndërtimi i Qendrës Sportive/Komunitare, si dhe rikualifikimi i zonës përreth (faza I)
Titulli i kontratës:	Zhvillimi nëpërmjet sipërmarrjes i stadiumit “Niko Dovana”, Durrës
Lëshuar më:	24.6.2026

Korporata e Investimeve Shqiptare njofton të gjithë të interesuarit për një ndryshim në Njoftimin e Procedurës Konkurruese, të publikuar në faqen zyrtare të internetit të Korporatës së Investimeve Shqiptare, më datë 12 maj 2026, për kontratën “Zhvillimi nëpërmjet sipërmarrjes i stadiumit ‘Niko Dovana’, Durrës”, si më poshtë:

1. Në pikën 13 të njoftimit, afati për dorëzimin e aplikimeve do të jetë **30 korrik 2026, ora 15:00, ora lokale.**

Të gjitha të drejtat dhe detyrimet e Korporatës së Investimeve Shqiptare dhe aplikantëve shtyhen deri në afatin e rishikuar për dorëzimin e aplikimeve.

ANNOUNCEMENT

Developer of Investment Project:	Albanian Investment Corporation
Name of Investment Project:	Revitalization of the “Niko Dovana” Stadium in Durrës, construction of the Sports/Community Center, and the requalification of the surrounding area (Phase I)
Contract Title:	Development through entrepreneurship of the “Niko Dovana” Stadium, Durrës
Issued on:	24.6.2026

The Albanian Investment Corporation informs all interested parties of a change in the Notice of Competitive Procedure, published on the official website of the Albanian Investment Corporation, dated May 12, 2026, for the contract “Development through entrepreneurship of the ‘Niko Dovana’ Stadium, Durrës” as follows:

1. In point 13 of the Notice, the deadline for submitting applications will be **July 30, 2026, at 3:00 p.m.**, local time.

All rights and obligations of the Albanian Investment Corporation and applicants are postponed until the revised deadline for submission of applications.

Buletini i Njoftimeve Zyrtare shpërndahet falas në çdo pikë të Postës Shqiptare.
Përmbajtja e Buletinit Zyrtar mund të konsultohet falas dhe pranë Qendrës së Botimeve Zyrtare.

Tiranë, 2026



||BULETINI ZYRTAR I REPUBLIKËS SË SHQIPËRISË||Vulosur elektronikisht nga Qendra e
Botimeve Zyrtare|Viti: 2026 - Numri: 16|Datë: 29.06.2026 14:53:01
+02:00|c71958f3-0f81-4d76-afe2-833e41742595

Shënim: Ky dokument është gjeneruar dhe vulosur me anë të një procedure automatike nga një sistem elektronik(Qendra e Botimeve Zyrtare)